

REPUBLIKA E SHQIPËRISË  
DHOMA KOMBËTARE E NOTERISË  
DEGA VENDORE VLORË  
NOTER BELONA P. SERAJ



DATE 04/03/2021  
NR REP 329

VËRTETIM NËNSHKRIMI

Sot, më datë 04.03.2021 , para meje Notere BELONA P. SERAJ, anëtare në Dhomën Kombëtare të Noterisë, Dega Vendore VLORË, me zyrë në adresën Vlore, HAJRO ÇAKËRRI, SULEJMAN DELVINA, u paraqit personalisht:

NËNSHKRUET/IT:

Skënder Meminaj, atësia Nastradin, amësia Dallandyshe, shtetas Shqiptar, lindur në Vlorë dhe banues në Vlorë, me adresë Rajoni 2 L"10 Korriku"; Nd. 0; H. 0; Ap. 0; Vlorë; Vlorë; 9404; Vlorë, lindur më 26/03/1965, gjendja civile "i martuar", madhor, me zotësi të plotë juridike për të vepruar, për identitetin e të cilit u garantova me Leternjoftim ID nr. 036045264 dhe nr. personal G50326088R

Subjekti i mësipërm, në vullnet të lirë dhe të plotë, u paraqitë dhe nënshkroi përpara meje Noteres, "Aktin e Themelimit te shoqerise "NOVO SECURITY SHPK", bashkëlidhur.

Unë Noter/ja, pasi verifikova identitetin e personave të sipërcituar, nëpërmjet mjeteve të identifikimit në përputhje të plotë me nenin 62, pika 1, gërma "ë", si dhe nenit 128 të ligjit nr. 110/2018 "Për Noterinë", dhe Udhëzimit të Ministrisë së Drejtësisë nr. 6291, datë 17.08.2005; vërtetoj nënshkrimin e tyre.

Në zbatim të ligjit nr. 9887, datë 10.03.2008 "Për mbrojtjen e të dhënave Personale", unë noterja deklaroj se do të ruaj dhe përpunoj të dhënat personale të subjektit të këtij veprimi në mënyrë të drejtë dhe të ligjshme.

NOTER

BELONA P. SERAJ

## AKT-THEMELIMI

**Skënder MEMINAJ**, i biri i Nastradin, i datëlindjes 26.03.1965, lindur dhe banues në Vlorë, Rajoni 2, Lagjja "10 Korriku", madhor, me zotësi të plotë për të vepruar, i identifikuar nga dokumenti i identifikimit letërnjoftim me Nr.personal G50326088R me shtetësi shqiptare, i cili me cilësinë e "Ortakut të Vetëm Themelues", me vullnet të lirë, të plotë dhe të pavesuar, me inicativën e lirë private, mbështetur në Kushtetutën e Republikës së Shqipërisë dhe në Kodin Civil në fuqi, në Ligjin nr.9901 datë 14.04.2008 "Për Tregtarët dhe shoqëritë tregtare" i ndryshuar, në ligjin Nr.9723 datë 03.05.2007 "Për Regjistrimin e Biznesit" i ndryshuar, si dhe në ligjin Nr.75/2014 datë 10/07/2014, "Për Shërbimin Privat të Sigurisë Fizike" dhe akteve nënligjore në zbatim të tij,

### Vendosi:

Sot më datë 04.03.2021, themelimin dhe krijimin e shoqërisë tregtare me përgjegjësi të kufizuar, me objekt të përgjithshëm në fushën e "Shërbimit Privat të Sigurisë Fizike" me emërtimin "NOVO SECURITY" shpk, në zbatim të Ligjit 75/2014 dhe sipas kategorive/nënkategorive të parashikuara në ligjit nr.10081 datë 23/02/2009 "Për licencat, autorizimet dhe lejet në Republikën e Shqipërisë"

## KREUI

### Emërtimi, Forma Juridike, Selia, Kohëzgjatja, Objekti, Vula

#### Neni 1

##### Emërtimi

Emërtimi i shoqërisë me përgjegjësi të kufizuar është "NOVO SECURITY" shpk. Emri Tregtar është "NOVO SECURITY".

#### Neni 2


##### Forma Juridike

Shoqëria "NOVO SECURITY" shpk, është person juridik i krijuar sipas të drejtës shqiptare, e formës shoqëri me përgjegjësi të kufizuar (në vijim referuar si "Shoqëria").

Shoqëria fiton personalitetin juridik pasi të jetë regjistruar në Qendrën Kombëtare të Biznesit (Regjistrimit), në përputhje me kushtet dhe procedurat e parashikuara me ligj.

Shoqëria pasi të ketë fituar personalitetin juridik, është përgjegjëse ndaj të tretëve për detyrimet dhe dëmet e shkaktuara gjatë veprimtarisë së saj.

Kapitali i Shoqërisë "NOVO SECURITY" shpk ndahet në kuota. Shoqëria themelohet nga ortakut i vetëm dhe përballon humbjet vetëm deri në kufirin e vlerës së kontributit të tij në kapitalin themeltar.



### Neni 3

#### Selia

Shoqëria e ka selinë në Vlorë, Shqipëri, në adresën **Rr.Zenel Murra, L.10 Korriku, Banesë Private me Nr.pasurie 14/299/1 – ND.2, Vlorë.**

Shoqëria mund të ndryshojë selinë e saj, të hapë adresa dytësore të ushtrimit të aktivitetit, të hapë zyrë përfaqësie, degë, të krijojë filiale, si brenda ashtu dhe jashtë Republikës së Shqipërisë, vetëm me Vendim të Ortakut të vetëm të Shoqërisë.

### Neni 4

#### Kohëzgjatja

Shoqëria do të zhvillojë aktivitetin e saj për një periudhë kohore të papërcaktuar, duke filluar nga data e regjistrimit në Qendrën Kombëtare të Biznesit (Regjistrimit).

### Neni 5

#### Objekti i veprimtarisë

1. Objekti është: **"Shërbim Privat i Sigurisë Fizike - SH.P.S.F:**

- Sigurim fizik i objekteve shtetërore dhe private, i personave, si dhe i veprimtarive social-kulturore, sportive, fetare e politike;
- Sigurim dhe shoqërim i vlerave monetare, materiale dhe sendeve të çmuara gjatë transportit."

2. Për realizimin e objektit të përcaktuar më sipër, shoqëria dhe stafi i saj i trajnuar kanë të drejtë dhe janë të detyruar të përdorë/in mjete dhe pajisje elektronike, armë zjarri, qen shërbimi, mjete e pajisje shërbimi, duke marrë masat përkatëse për parandalimin e pasojave përtej atyre të parashikuara me ligj, konform Nenit 32 e vijues të ligjit 75/2014.

Shoqëria do të kryejë shërbime të kategorisë *"Licencë Shërbimi i ruajtjes dhe/ose sigurisë fizike"*, nënkategoritë *I.3.A dhe I.3.B*, konform ligjit nr. 10081 datë 23.02.2009 *"Për licensat, autorizimet dhe lejet në Republikën e Shqipërisë dhe VKM nr. 538 datë 26.05.2009.*


### Neni 6

#### Vula

Shoqëria ka vulën e saj, në brendësi të së cilës shkruhet i plotë emërtimi i shoqërisë **"NOVO SECURITY"** shpk

Të gjithë aktet që dalin nga shoqëria, pasi nënshkruhen sipas ligjit, vulosen me vulën e shoqërisë.

### KREU II KAPITALI



### Neni 7

1.Kapitali i shoqërisë përbëhet nga aq kuota sa është numri i ortakëve.



2.Kontributi në kapitalin themeltar përbëhet nga kapital në para dhe kapital në natyrë. Kapitali në natyrë konsiston në pasuri të paluajtshme dhe/ose pasuri të luajtshme, dhe/ose të drejta.

3. Kapitali i shoqërisë nënshkruhet nga "Ortaku i Vetëm" i shoqërisë. Shlyerja e kapitalit kryhet brenda afatit tridhjetë ditor nga momenti i nënshkrimit të tij. Kapitali në para shlyhet nëpërmjet derdhjes në llogarinë bankare të shoqërisë, ndërsa kalimi i pasurive në natyrë bëhet me akt noterial dhe regjistrimet e detyrueshme parashikuar me ligj.

4.Kontributi në kapitalit themeltar nuk mund të përbëhet nga letra me vlerë të tregëtueshme dhe as me shërbime.

5.Ortaku i vetëm përgjigjet për humbjen e shoqërisë përkundrejt të tretëve deri në vlerën e kontributit të tij në kapitalin themeltar të shoqërisë.

6. Kapitali në momentin e themelimit përbëhet nga 100.000 (njëqind mijë) lekë kontribut në para dhe përbëhet nga 1 (një) kuotë me vlerë 100.000 (njëqind mijë) lekë.

Kuota zotërohet 100% nga ortaku i vetëm i shoqërisë Z. Skënder Meminaj.

#### **Neni 8**

##### **Mënyra e fitimit dhe kalimit të kuotave.**

1.Kuotat e kapitalit të shoqërisë dhe të drejtat që rrjedhin prej tyre mund të fitohen apo kalohen nëpërmjet:

a)kontributit në kapitalin e shoqërisë

b)shit-blerjes

c) trashëgimisë

ç) dhurimit

d) çdo mënyre tjetër të parashikuar në ligj.

2. Në rastin e kalimit të kuotave me kontratë, kontrata duhet të bëhet me shkrim.

3.Çdo transferim i kuotave tek të tretët bëhet me vendim të ortakut të vetëm, duke redaktuar dhe akt noterial për transferimin e kuotave.

#### **Neni 9**

##### **Zmadhimi i kapitalit**

Shoqëria mund të zmadhojë Kapitalin Themeltar në para ose në natyrë (pasuri të luajtshme apo të paluajtshme) ose mund të zvogëlojë atë, por jo nën kufirin minimal të parashikuar me ligj.

Shtimi ose zvogëlimi i kapitalit bëhet me vendim të ortakut të vetëm të shoqërisë. Dokumenti depozitohet në Qendrën Kombëtare të Biznesit, e cila bën ndryshimet përkatëse.

### **KREU III**

#### **ORGANET VENDIMMARRËSE DHE DREJTUESE**

#### **Neni 10**

##### **Organi Vendimmarrës**

Ortaku i vetëm është organi i vetëm vendimmarrës i kësaj shoqërie.

1.Ortaku i vetëm është përgjegjës për marrjen e vendimeve për shoqërinë për çështjet e mëposhtme:



- a përcaktimin e politikave tregtare të shoqërisë.
- b. ndryshimin e statutit.
- c. emërimin e shkarkimin e administratorëve .
- ç. emërimin e shkarkimin e likuidatorëve.
- d. përcaktimin e shpërblimit për personat e përmendur në pikat "c" dhe "ç" të kësaj pike
- dh. Mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë.
- e. miratimin e pasqyrave financiare vjetore dhe të raporteve të ecurisë së veprimtarisë.
- ë. Zmadhimin dhe zvogëlimin e kapitalit
- f. pjestimin e kuotave dhe anulimin e tyre,
- g. përfaqësimin e shoqërisë në gjykatë dhe në procedimet e tjera ndaj administratorit
- gj. Riorganizimin dhe prishjen e shoqërisë
- h. çështje të tjera të parashikuara në ligj

2. Ortaku i vetëm merr vendime për çështjet e përcaktuara në pikën 1 të këtij neni pas marrjes dhe shqyrtimit të dokumentave përkatëse.

Të gjitha vendimet e marra nga ortaku i vetëm regjistrohen në regjistrin e vendimeve, të dhënat e të cilit nuk mund të ndryshohen ose të fshihen. Në këtë regjistër duhet të regjistrohen veçanërisht:

- a. Miratimi i pasqyrave financiare vjetore dhe të raporteve të ecurisë së veprimtarisë.
- b. shpërndarja e fitimeve vjetore dhe mbulimi i humbjeve.
- c. investimet, zmadhimi dhe zvogëlimi i kapitalit themeltar
- ç. ndryshimet në personat zotërues të kuotave
- d. vendimet për riorganizimin dhe prishjen e shoqërisë.

## **Neni 11**

### **Administrimi**

1. Administrimi i Shoqërisë dhe përfaqësimi ligjor i saj i besohet Z. Indrit Meminaj, i biri i Skënder, i datëlindjes 13.05.1995 lindur dhe banues në Vlorë, Rajoni 2, Lagja "10 Korriku", madhor, me zotësi të plotë për të vepruar, i identifikuar nga dokument identifikimi letërnjoftim me Nr. personal J50513100I. Administratori i parë i shoqërisë emërohet për një afat maksimal 5-vjecar me të drejtë riemërimi. Në pozitën e përfaqësuesit ligjor të shoqërisë, ai gëzon njëkohësisht pozitën e Titullarit të shoqërisë.

2. Drejtues Teknik i saj do të jetë Z Artur Zoto, atësia Rexhep, i dtl. 02.10.1974, me dokument identifikimi letërnjoftim me Nr. personal H41002083G, me ÇERTIFIKATË PËR DREJTUES TEKNIK SUBJEKTI për veprimtarinë: Shërbimi Privat i Sigurisë Fizike" Nr.650Prot. datë 07.12.2020.

3. Ortaku i vetëm mund të emërojë një ose më shumë individë si administratorë të shoqërisë pa qenë ortak i shoqërisë. Afati i emërtimit të tyre nuk mund të jetë më i gjatë se 5 vjetë me të drejtë ripërtëritje.

4. Nëse Ortaku i vetëm emëron më shumë se një administrator, ata administrojnë bashkarisht shoqërinë.

5. Ortaku i vetëm mund të shkarkojë administratorin (që nuk është ortak) me vendim të posacëm.



## Neni 12

### Të drejta dhe detyrimet e administratorit

- a. kryen të gjithë veprimet e administrimit të veprimtarisë tregtare të shoqërisë, duke zbatuar politikat tregtare.
- b. përfaqëson shoqërinë tregtare
- c. kujdeset për mbajtjen e saktë e të rregullt të dokumentave dhe të librave kontabël të shoqërisë.
- d. përgatit dhe nënshkruan bilacin vjetor, bilancin e konsoliduar dhe se bashku me propozimet për shpërndarjen e fitimeve, i paraqet këto dokumente përpara Ortakut të Vetëm, për miratim.
- e. Krijon një sistem paralajmërimi në kohën e duhur për rrethanat që kërcënojnë mbarëvajtjen e veprimtarisë dhe ekzistencën e shoqërisë
- f. kryen regjistrimin dhe dërgon të dhënat e detyrueshme të shoqërisë si parashikohet në ligjin për Qendrën Kombëtare të Regjistrimit
- g. raporton përpara Ortakut të Vetëm në lidhje me zbatimin e politikave tregtare dhe realizimin e veprimeve të posaçme me rëndësi të veçantë për veprimtarinë e shoqërisë tregtare.
- h. kryen detyra të tjera të përcaktuara në ligj dhe në statut
- i. njofton Ortakun e Vetëm për të marrë vendimet përkatëse në rastet kur bazuar në bilancin vjetor, apo raportet e ndërmjetme financiare ekziston rreziku që aktivet e shoqërisë nuk mbulojnë detyrimet e kërkueshme brenda 3 muajve në vazhdim, si dhe në rast se brenda 2 vjetëve të para të regjistrimit të shoqërisë, Ortaku i Vetëm do të blejë një pasuri me një vlerë më të lartë se 5% të asetëve të shoqërisë, që rezultojnë në pasqyrat e fundit financiare të çertifikuara.
- j. administratori gjatë kryerjes së detyrës së tij, përgjigjet ndaj shoqërisë për cdo veprim ose mosveprim, që lidhet në mënyrë të arsyeshme me qëllimin e shoqërisë tregtare, me përjashtim të rasteve kur në bazë të hetimit dhe vlerësimit të informacionit përkatës veprimi ose mosveprimi është kryer në mirëbesim.
- k. nëse administratori vepron në kundërshtim me detyrat dhe ligjin, është i detyruar t'i dëmshpërblejë shoqërisë dëmet që rrjedhin nga kryerja e shkeljes, si dhe të kalojë çdo fitim personal që ai apo çdo person tjetër i lidhur me të kanë përfituar nga këto veprime të parregullta (në përputhje me nenin 98, pika 4 e ligjit 9901 datë 14.04.2008)

## Neni 13

### Viti Financiar

Viti Financiar fillon në 1 Janar dhe përfundon më 31 Dhjetor të çdo viti kalendarik. Përjashtimisht Viti i parë financiar i shoqërisë fillon nga data e regjistrimit të shoqërisë në regjistrin tregtar shqiptar dhe mbyllet më 31 Dhjetor të po atij viti.

## Neni 14

### Prishja dhe likuidimi

Shpërndarja dhe prishja e shoqërisë mund të bëhet në çdo kohë dhe për çfarëdo shkak, edhe para plotësimit të afatit për të cilin është krijuar, duke përfshirë por duke mos u kufizuar në:

- a. Humbja e kapitalit ose pamundësia e vazhdimit të mëtejshëm të veprimtarisë së saj,



b.Një nga mënyrat e parashikuara nga ligji "Për Falimentimin e Shoqërive Tregtare"  
c.Kur plotësohet afati i caktuar për ushtrimin e shoqërisë tregtare  
Në këtë raste Ortaku i Vetëm merr vendimin me shkrim në të cilin parashikon mënyrën e  
likujdimit të shoqërisë, duke caktuar një ose disa likujdator/ë dhe duke u kujdesur të  
shënojë në çdo dokument të nxjerrë prej tij emrin e likujdatorit dhe emërtesën shtesë  
"Shoqëri në likujdim e sipër"

#### **Neni 15**

##### **Baza ligjore**

Shoqëria do të zhvillojë aktivitetin e saj në përputhje me Statutin e shoqërisë dhe dispozitat e legjislacionit shqiptar, duke përfshirë por duke mos u kufizuar në:

- Kushtetuta e Republikës së Shqipërisë
- Kodi Civil i Republikës së Shqipërisë
- Ligji nr 9901 date 14.04.2008 "Për tregtarët dhe shoqëritë tregtare"
- Ligji nr.9723 date 03.05.2007 "Për Regjistrimin e Biznesit", i ndryshuar
- Ligj Nr.131/2015 "Për Qendrën Kombëtare të Biznesit"
- Ligji Nr.75/2014 datë 10/07/2014 "Për Shërbimin Privat të Sigurisë Fizike", i ndryshuar
- Ligji 9920 date 19.05.2008 "Për procedurat tatimore ne Republikën e Shqipërisë", i ndryshuar

#### **Neni 16**

##### **Mosmarrëveshjet**

Për mosmarrëveshjet që mund të lindin në lidhje me zbatimin apo interpretimin e këtij akti themelimi si dhe çdo mosmarrëveshje tjetër që mund të lindë midis shoqërisë dhe të tretëve do të jetë kompetente Gjykata Shqiptare.

#### **Neni 17**

##### **Dispozita Përfundimtare**

Ky akt themelimi u redaktua në 4 ekzemplare me përmbajtje dhe vlera të njëjta juridike, në gjuhën shqipe dhe pasi miratohet në parim dhe nen për nen nga ortaku i vetëm themelues i shoqërisë tregtare "NOVO SECURITY" shpk nënshkruhet në të gjitha kopjet duke vendosur emrin dhe firmën në origjinale, autenticiteti i të cilit vërtetohet nga noteri.

**ORTAKU I VETËM THEMELUES**

**Z. Skënder MEMINAJ**

*Skënder Meminaj*  
*[Signature]*